

106
天主降生一千八百八十四年

主進堂瞻禮讚詞

歲次甲申孟夏 鐫

京都大俄國聖母堂藏板

掌院修士法刺韋昂 敬譯

修士尼闊 賴 參攷

司祭密特囉芳 參訂

教士鄂錫阿 參校

譯生耶烏咩尼

二月初二日

主我等天主救世者伊伊蘇斯合喇斯托斯進堂瞻禮

大抵暮課

誦聖詠第一百零三章及大聯禱畢唱第一分首一段即福

哉弗趨云誦小聯禱又唱主歟我呼籲爾云及唱讚

詞八段

第一調

聖詠一句主歟我自深淵呼籲爾主歟聆我聲

祈錫咩波言爾於堂以喜悅而捧持者為誰爾向誰呼籲曰今我獲釋放因我已見我之敬主其乃由童貞女所生此乃由天主之

天主聖言。爲我等受人體而救人者。我衆宜叩拜之。

又一句願爾耳。聽我之禱聲。

祈錫咩汶言爾於堂

云同上

又一句主歟。若究察罪惡。主歟。則孰能立。第爾施赦宥。

祈錫咩汶言爾於堂

云同上

又一句願人敬畏於爾前。我望主。我靈望主。冀望主言。我靈候主。祈錫咩汶領納昔被摩些在錫奈山烏雲中所見設法律者。今爲嬰而順從法律。此乃藉法律所明言。此乃被先知所預言。爲我等受人體而救人者。我衆宜叩拜之。

又一句踰於更漏之待旦。踰於更漏之待旦。願伊斯喇伊泐冀望

主。

祈錫咩汶領納昔被摩些

云同上

又一句蓋宏恩在主。大援亦屬之。伊將救伊斯喇伊泐脫離諸罪惡。

祈錫咩汶領納昔被摩些

云同上

又一句萬民爾曹宜讚揚主。衆族爾曹當尊榮之。

請衆亦至。以聖歌頌迎迓。合喇斯托斯及領納之係錫咩汶所視爲拯救者。此乃達微德所預言者。此乃藉先知所言。爲我等受人體而設法律者。我衆宜叩拜之。

又一句蓋其所施於我儕之恩慈大矣。主之真實永存。

請衆亦至以聖歌頌迎迓云同上

榮光云自今云

第六調

今願啟天門。因無原始天主聖父之聖言。不易其天主本性而於世肇始。如四旬之嬰甘隨聖母而攜至誠律之聖堂。耆老接捧於手而呼曰。主宰求允我逝世。因我目親瞻爾之救贖。降至世界。救人類之主。榮光於爾。

小入

聖榮及永生遐福云

誦按本日提綱

又誦古遺詔聖經二段

出耶吉撒突紀

主率伊斯喇伊泐子民出耶吉撒突之日。向摩些諭曰。爾當成聖屬我伊斯喇伊泐子民中凡首生者。摩些遂謂衆民曰。爾儕當憶此出耶吉撒突為奴地之日。因主施鴻能手率爾儕出。爾須守此規例。主天主若依向爾列祖所設之誓率爾入哈納按之地。爾即當以凡首生之男奉獻主。嗣後倘爾子詢爾曰此係何意。爾即云此係爾主以鴻能手。率我儕出耶吉撒突為奴之地。發喇汶剛復弗釋我儕時。主擊斃耶吉撒突地諸首生者。謂首生人及首生畜。以此我以凡首胎之雄者祀主。將首生子贖出。爾儕宜置此事於

目前爲永誌。因主全能。天主如此云。爾中首生子當獻我。凡婦生男。至第八日當行割禮。婦人三十三日潔期未滿。不可入聖所。潔期已滿。當用一歲之綿羊羔爲燔祭。又以鸚鵡一。或鳴鳩一。奉至聖幕前。付於司祭。若以鳴鳩二。或鸚鵡二代獻亦可。司祭必代伊祈禱。因伊等乃代諸伊斯喇伊泐之子爲獻。我祀而我享之。我於耶吉撒突。誅凡首生之人畜時。以伊斯喇伊泐諸首生者。代耶吉撒突之首生者。爲成聖屬我。至上之伊斯喇伊泐。天主如是言。

先知伊薩亞預言

鄂濟阿王崩之歲。吾見主坐於崇高之寶座。其威榮充滿聖殿。周圍寶座有些喇斐木侍立。各有六翼。二翼蔽面。二翼覆足。二翼藉

以飛翔。互相呼籲曰。聖哉。聖哉。聖哉。主薩瓦鄂福。其榮光彌綸寰宇。門楣爲呼應聲震動。殿內充盈芸煙。彼時吾云。禍哉。吾必滅亡。因吾爲唇口不潔之人。復寓於唇口不潔之民中。吾目得見主宰。主薩瓦鄂福。有一些喇斐木手擎鉗剪。由臺上取紅炭。翔而就我。以炭近拭吾口曰。此炭近拭爾口。爾愆尤卽除。爾惡卽赦。我又聞主之聲曰。吾將遣誰。孰願往吾民中。我曰。吾在此。請遣我。主曰。爾往告斯民云。爾等雖聽焉而弗喻。雖視焉而弗明。斯民心粗耳聾。目瞶惟恐。目見耳聞。心悟。伊等改悔。我必醫治之。我曰。吾主此事將至何時。答曰。迨至城邑荒蕪。無居民。屋室虛曠。無人地土。極其墟蕪淒涼。此後主必使衆人綿延。所餘之民蕃衍倍增。

此際主乘輕雲臨至耶吉撒突。耶吉撒突偶像俱於其面前震動。耶吉撒突人心皆恇怯。耶吉撒突人性靈必倦疲。伊等所擬議必為我所敗壞。我必以耶吉撒突人付於嚴厲主人之手。此乃主聖主宰薩瓦鄂福所言。耶吉撒突人必飲海中之水。河必涸必乾。主如是曰。爾之智慧者安在。伊等應告爾。伊等當報爾。主薩瓦鄂福為耶吉撒突所擬定者。屆其時耶吉撒突人必如婦女。必因主薩瓦鄂福舉手於伊等而戰慄恐懼。屆其時主之臺必設於耶吉撒突中央。必為主立石柱於耶吉撒突邊界。此在耶吉撒突地係為主薩瓦鄂福之永誌。因耶吉撒突人呼籲主時。主必遣人拯救伊

等。主必於耶吉撒突地顯著。至此日耶吉撒突人必識主。必獻祭祀禮物。向主發願而誠服。

重聯禱

祈主賜我無罪而度此宵

云云

增聯禱

利提亞

讚詞第一調

自古常在。昔於錫奈山賜摩些法律者。今如嬰為我儕所觀。建法律者。今依法律至堂。遞付於耆老。聖錫啐汶承接之。見所允許已驗。乃喜樂而顫曰。我目已見永世所隱末日所現之機密。及異邦

人無知之黯被消散。新選伊斯喇伊迦人所賦榮福之光。以此釋爾僕肉軀。而許入不朽奇妙永遠之常生。因爾乃賜普世大恩者。昔在錫奈山賜法律於摩些者。今因大仁慈緣我等爲類我人者。以順從法律之命。今至潔之天主如聖嬰。開至潔者之胎。如天主被獻於已。使法律之詛詈得釋。而光照我等靈。

第二調

今在地錫咩汶以有形之手。接納被天上之差役戰慄叩拜者。而傳佈天主與人之體合。並得見天主爲人。乃以欣喜逝世。籲曰。啟在黑暗者。永晝光之主。讚榮爾。

今錫咩汶捧持威榮之主。乃昔摩些在錫奈山烏雲中所見賜誠命者。此乃藉先知所預言。卽設法律者。此乃達微德所傳揚。爲衆所敬畏而施宏恩者。

聖女以聖嬰攜至聖所。遞予聖人。錫咩汶伸手歡然接受。而籲曰。吾主主宰。據爾言。今果允我爾僕安然逝世。

今聖耆老錫咩汶捧持造天地者。而被聖神感動曰。我今已獲釋。因已見救我者。

今耆老錫咩汶由靈發悅。進至聖堂。爲捧持設法律予摩些。而順從法律者。摩些獲恩在烏雲中。於無形之聲見天主。而以常蔽之面。駁斥耶烏喇人弗信之心。錫咩汶捧持受人體。永在天主聖父之聖言。而啟示光十字架及復活於諸民。並按納爲先知。因其傳

揚救贖者於伊斯喇伊泐民。我衆向我等天主合喇斯托斯宜籲
曰。緣聖母矜憐我等。

榮光 云云 第五調

請衆依天主合喇斯托斯在福音經所言者。宜探索諸經。在其內
我等獲見合喇斯托斯降生。裹襁襦臥於櫃。哺以乳。受割禮。被錫
咩汶所捧持。弗爲幻像。而真顯現於普世者。我衆宜向之籲曰。諸
世前之天主。讚榮爾。

自今 云云 第五調

自古常在。今以肉軀如嬰。依其法律被聖母童貞攜至堂。錫咩汶
接受之曰。聖者歟。今果據爾言。允我爾僕安然逝世。因我目親瞻

爾之救贖。

誦利提亞聯禱畢唱

讚詞第七調

錫咩汶宜修整爾宮。舉升君合喇斯托斯。宜口親天門。卽瑪喇阿
乃爲叶嚕微木之寶座。伊抱持榮光之君。聖女乃光雲。捧於黎明
前所生受人體之子。錫咩汶接受之。傳訓於衆。斯爲生死之主宰。
及救普世者。

又一句 主歟據爾言。今果允我爾僕安然逝世。

不識婚之聖母。以諸世前由聖父所生。季代由童貞之胎所產。在
錫奈山設法律之命者。攜子蒙許獲見主合喇斯托斯之義德者。

老錫咩汶捧持之。以欣喜籲曰。此乃借聖父永在之天主。及救援我等靈者。

又一句照萬民光。並爾伊斯喇伊泐民之榮福。

聖母瑪喇阿捧持乘叶嚕微木之輅。以此刺斐木詞所讚頌無夫受人體設法律而遵順法律者。遞予老司祭之手。伊捧托生命者。求赦釋其生命曰。求主宰今釋我往報阿達木我已獲見之嬰。乃不變易諸世前之天主。及救普世者。

榮光 云云 自今 云云

第八調

於叶嚕微木所負者。及以此刺斐木所歌頌者。今依法律擣至於

天主聖所。坐於耆老手如寶座。因係天主。而於伊鄂錫福受獻禮。二鳩如無玷之聖教會。及異邦中所新選者。二鷓鴣如舊約新約之肇端。錫咩汶所受之允許已成驗。降福於聖母童貞瑪喇阿。宣示其將受苦難之景况。並求主釋放之曰。主宰歟。今祈逝我依嚕昔所示我者。因我已見爾原始永遠之光。及救稱合喇斯托斯名者之主。

吾主據爾言 云云 聖三祝文 至聖三者 云云 在天我等父

云云

小讚詞第一調

慶哉聖母童貞滿被聖寵者 云云 三次 見後

又成聖餅之禮儀 及

願主之名被祝讚。自今至恆久。三次

又誦第六章聖詠

嚮晨課

誦第六章聖詠及大聯禱畢 唱

主天主顯現於我等中以主名來者。實已滿被讚揚。四次

小讚詞第一調

慶哉聖母童貞滿被聖寵者。因我等天主合喇斯托斯義德之日
竭於幽黯者。由爾光顯。爾成德者老亦同慶哉。因爾捧持救我等

靈。賜我等復活之主。三次

誦按本日之聖詠一分 小聯禱

坐誦之詞第一調

觀不可測天主之寬忍。被天軍所敬畏之獨一愛人者。今被耆老
之手所抱。天神之會見此奇蹟宜詫異。而在地者宜以聲音讚頌
之。

榮光 云 自今 云

觀不可測天主之寬忍 云 同上

又誦聖詠一分 小聯禱

坐誦之詞第一調

偕聖父同坐於寶座者。由聖女降生臨於地。在諸世前者爲嬰孩。錫咩汶以喜悅抱之曰。施宏恩者。爾施喜於爾僕。而今使之逝世。

榮光云云自今云云

偕聖父同坐於寶座者云云

唱聖詠第一百三十五章及一百三十六章

又唱讚美詞

我等讚美爾施生活合喇斯托斯。及恭敬至潔聖母。伊以爾遵法律獻於主堂。

又一句我心涌發良言。

又一句我日我所歌係君。

又一句我舌似迅書者之筆。

又一句爾較諸人子爲極美者。

又一句勇毅者爾以劍佩於膀。

又一句速往乘車。爲真理謙遜及公義之故。

又一句爾曾好善而惡惡。

又一句處女歟。爾當聽之觀之。側爾之耳。

又一句當忘爾之民。及爾之父家。

又一句君將慕爾之美麗。

又一句蓋伊爲爾之主。爾宜拜之。

又一句民中之殷富者。將祈於爾面。

又一句主居於其聖所內。主之寶座在天。

又一句天主歎。衆會見爾之駕行。

又一句卽我天主我君之聖駕。

又一句爾聖堂之美富。以公判可畏者。

又一句主歎。聖德屬爾之堂。直至永遠。

又一句我將使爾名。萬世弗忘。

又一句因其善於聖人之前。

榮光 云云

自今 云云

每句後唱讚美詞

阿利魯伊阿。阿利魯伊阿。阿利魯伊阿。讚揚爾天主。三次

又唱讚美詞

小聯禱

坐誦之詞第四調

自古常在者。緣我而爲嬰。至潔之天主受潔淨。爲證爾由聖女所
受之人體係真者。錫咩汝識爾爲受人體之天主。抱爾係生命者。
而以耆老喜樂籲曰。求使我逝世。因我見爾係萬物生命者。

榮光 云云 自今 云云

自古常在者。緣我而爲嬰 云云 同上

品第詞第四調

自我幼時私情多與我相爭。求救我者躬親保護。救我二次。
願凡疾錫汶者於主而承羞。伊如草將以火而枯萎。二次

榮光云云

凡靈魂藉聖神得生活。藉潔德而上升。藉聖三一之蒙光照。識聖
奧秘。

自今云云同上

提綱第四調

我將使爾名萬世弗忘。又一句我心涌發良言。我曰我所歌係君。

誦魯喀福音經

當時耶魯薩利木有人名錫汶。其人義且敬。素仰望其撫恤伊

斯喇伊泐民者。且有聖神庇廕之。伊曾得聖神默示云。不及死。直
至得見主之合喇斯托斯。是時伊受聖神默引。進堂。適父母抱嬰
兒伊伊蘇斯至。欲循律而行。錫汶接嬰兒。讚頌天主曰。主歟。據
爾所言。今果允我。爾僕安然逝世。因我親目明瞻。爾於衆民前。所
備之救贖。謂照萬民之光。並爾伊斯喇伊泐民之榮福。

又誦聖詠第五十章

榮光云云

仁慈主。以宗徒祈禱。潔淨我等多罪。

自今云云

仁慈主。以聖母轉達。潔淨我等多罪。

天主歟。因爾大仁慈。矜憐我。以大憐惠。刪除我諸愆尤。

又讚詞第六調

今願啟天門。因無原始天主聖父之聖言。不易其天主本性而於世肇始。如四旬之嬰。甘隨聖母而攜至誠律之聖堂。耆老接捧於手而呼曰。主宰。求允我逝世。因我目親瞻爾之救贖。降至世界。救人類之主。榮光於爾。

輔祭誦

祈主救爾之民。並賜福於爾之嗣業。云云

頌誦

特特爾獨一子之慈憐。云云

頌譜第三調係闊錫瑪所作。每歌頌首詞唱二次。其他詞共

十二段。

歌頌之一

首詞

昔有時。日出自滄海。所現之旱陸上。緣水分堅如壁立。並民庶克履行踰海。及頌天主所悅之詞曰。我衆欲歌頌主。緣其赫著矣。二

次

讚榮爾。我等天主。讚榮爾。

願諸雲注雨。因被輕雲所乘之日。卽被無損之手。所捧持之合嘯。

斯托斯如嬰孩顯現於聖堂。故我衆誠信者宜籲曰我衆欲歌頌
主緣其赫著矣。四次

讚榮爾我等天主讚榮爾

願因年邁劣弱錫咩汝之手爲堅固。衰邁耆老之膝。宜奮勇而行
往迎合喇斯托斯。我衆偕天神宜集爲謳會。而歌頌主曰緣其赫
著矣。四次

讚榮爾我等天主讚榮爾

以智慧所布散之天宜歡欣。地亦宜悅樂。蓋出自天主懷。在諸世
前造諸物之合喇斯托斯。被童貞聖母如嬰獻於天主聖父。緣其
赫著矣。二次

榮光

云同上

自今

云同上

合頌詞

昔有時日出自滄海所現之旱陸上。緣水分堅如壁立。並民庶克
履行踰海。及頌天主所悅之詞曰我衆欲歌頌主緣其赫著矣。

歌頌之三

首詞

吾主爾乃諸冀望爾者之堅固。所堅固藉爾尊血所獲之聖教會。
二次

讚榮爾我等天主讚榮爾

諸世前由聖父首生者顯爲童貞首生之嬰而伸手爲救阿達木

四次

讚榮爾我等天主。讚榮爾。

天主聖言顯現如嬰。爲復回原有之位。予緣誘感類蒙童之原祖。

四次

讚榮爾我等天主。讚榮爾。

造物者無變易而爲嬰。以此使由地所出。及復歸於地之人性。體

合於天主。二次

榮光 云云 同上

自今 云云 同上

合頌詞

吾主爾乃諸冀望爾者之堅固。祈堅固藉爾尊血所獲之聖教會。

小聯禱

坐誦之詞第四調

昔摩些在錫奈山。見天主之背而獲恩。於烏雲烈風中。得聞天主
莫辨之聲。今錫咩汝接受爲我等受人體不變易之天主。以歡暢
離此世而往常生。並籲曰。吾主。今果允我。爾僕安然逝世。

榮光 云云 自今 云云 同上

歌頌之四

首詞

合喇斯托斯歟。爾恩寵覆天。爾出自聖筭。謂由爾無玷之母。其手所捧持之嬰。顯現於爾榮光之堂。故萬物普讚美爾。二次

讚榮爾我等天主。讚榮爾。

聖母籲曰。錫咩汶歟。爾試觀不可測之奧秘。請以喜樂接納爲嬰之聖言。合喇斯托斯。昔聖神以之預示爾。宜向之籲曰。萬物普讚美爾。四次

讚榮爾我等天主。讚榮爾。

請錫咩汶以喜樂受納爲嬰之合喇斯托斯。係爾所候望爲天主。所選伊斯喇伊泐民之安慰。其乃設法律主宰而遵從法律之命者。宜向之籲曰。萬物普讚美爾。四次

讚榮爾我等天主。讚榮爾。

錫咩汶見受人體無始聖言。捧在聖女之手。如於叶嚙微木寶座上。見造萬物者爲嬰。以詫異向之籲曰。萬物普讚美爾。二次

榮光 云 同上

自今 云 同上

合頌詞

合喇斯托斯歟。爾恩寵覆天。爾出自聖筭。謂由爾無玷之母。其手所捧持之嬰。顯現於爾榮光之堂。故萬物普讚美爾。

歌頌之五

首詞

伊薩亞見天主於極崇寶座。被諸榮天神環衛之。乃朗頌曰。噫嘻甚哉。我不堪者。預瞻將降生之天主。乃司永晝光及平安之天主。
二次

讚榮爾我等天主。讚榮爾。

聖耆老見被聖母手所捧之聖言。悟昔於先知所顯現之榮光。而顛曰。慶哉極尊貴者。爾如寶座。擊司永晝光及平安之天主。
四次
讚榮爾我等天主。讚榮爾。

耆老伏跪而以虔誠撫不識婚聖母之足曰。至潔者歟。爾捧火。我抱嬰甚驚畏。因其乃司永晝光及平安之天主。
四次

讚榮爾我等天主。讚榮爾。

耆老向聖母顛曰。伊薩亞曾獲潔。因由此喇斐木受火炭。今爾光照我。因以手如鉗。賜我爾所捧持之司永晝光及平安之天主。
次

榮光 云同上

自今 云同上

合頌詞

伊薩亞見天主於極崇寶座。被諸榮天神環衛之。乃朗頌曰。噫嘻甚哉。我不堪者。預瞻將降生之天主。乃司永晝光及平安之天主。

歌頌之六

首詞

耆老親目見自天主。為諸民所降至之救贖。而向爾籲曰。合喇斯
托斯。爾乃我之天主。二次

讚榮爾我等天主。讚榮爾。

爾係誠信者。不可敗之拯救。被置於錫汶城為石。乃為違逆者礙
足及陷誘之石。四次

讚榮爾我等天主。讚榮爾。

與諸世前生爾之父同像者。今以仁慈服以在世者之劣弱。四次

讚榮爾我等天主。讚榮爾。

今求安然逝世。叩拜爾者。以爾為至上者之子。及聖女之子。及為
嬰之天主。二次

榮光

云

同上

自今

云

同上

合頌詞

耆老親目見自天主。為諸民所降至之救贖。而向爾籲曰。合喇斯
托斯。爾乃我之天主。

小聯禱

副讚詞第一調

天主合喇斯托斯歟。以爾產生而成聖童女之腹。稱榮錫汶之
手。今顯現救援我等。求息和我等國於爭戰時。及堅固爾所愛之
大皇帝。以爾係獨一愛人者。

行述讚

請衆就至聖母。爲見此捧持至錫咩汶之子。天神自天見之而驚懼曰。今我等所見奇妙不可測不可言之奇蹟。造阿達木者。被捧如嬰。不可容者。而容於耆老之手。在聖父無限量之懷者。隨己意不變易天主之位。而被限於人體。以爾係獨一愛人者。

歌頌之七

首詞

我等盡心讚頌爾。在火窰施露於闡聖三之幼童。及居於無玷童貞之天主聖言曰。我等祖父之天主。係被讚揚者。二次

讚榮爾我等天主。讚榮爾。

錫咩汶籲曰。我往傳告在地獄之阿達木。與報信於耶瓦。而偕諸

先知歌頌曰。我等祖父之天主。係被讚揚者。四次

讚榮爾我等天主。讚榮爾。

天主爲救土所造之人類。將臨於地獄。使被擄者得釋。瞽者明啞者籲曰。我等祖父之天主。係被讚揚者。四次

讚榮爾我等天主。讚榮爾。

錫咩汶向聖母預言曰。無損者歟。爾將見爾子被釘十字架時。爾心被憂刃所傷云。而我衆向之籲曰。我等祖父之天主。係被讚揚者。二次

榮光

云 同上

自今

云 同上

我等盡心讚頌爾在火窑施露於闡聖三之幼童。及居於無玷童
貞之天主聖三日。我等祖父之天主。係被讚揚者。

歌頌之八

首詞

倡始虔誠之幼童。於不可忍之火中。弗遭烈燄之害。乃向天主歌
頌曰。主所造之物。宜讚揚主。且讚美之於無窮世。二次

讚榮爾我等天主。讚榮爾。

伊斯喇伊泐之民歟。爾見爾之榮福。係由於聖女之嬰耶瑪答伊
泐。今宜於聖櫃前歌頌曰。主所造之物。宜讚揚主。且讚美之於無

窮世。四次

讚榮爾我等天主。讚榮爾。

錫咩汝籲曰。此嬰係天主。將自成為爭辯之的。我眾誠信者宜向
之歌頌曰。主所造之物。宜讚揚主。且讚美之於無窮世。四次

讚榮爾我等天主。讚榮爾。

此天主聖言係生命者而為嬰。為違逆者之墜落。與為諸秉信者
之振舉。乃歌頌曰。主所造之物。宜讚揚主。且讚美之於無窮世。知
我等讚榮主。聖父及子及聖神。同上

自今云 同上

我等讚美頌揚叩拜主。歌頌稱揚之於諸世。

合頌詞
倡始虔誠之幼童。於不可忍之火中。弗遭烈燄之害。乃向天主歌頌曰。主所造之物。宜讚揚主。且讚美之於無窮世。

歌頌之九

首詞

聖母童貞係教眾之倚恃。祈幷蒙保護。及救眾倚望爾者。

我等誠信者。於法律影及文字中得覩預像。凡男子首出母腹者。宜獻於天主。故我等讚頌無原父首生之言。謂無父由母而首育之子。

聖母童貞係普世之善助者。祈幷蒙保護。於諸苦難及憂愁。

我等誠信者

云 同上

捧戴主之錫咩汶來至。捧持至潔聖女瑪喇阿所生之合喇

斯托斯。

古有成例。偕新產者。獻二雌鴿。二雛鴿。今以聖耆老。及潔德之女。先知接納代之奉事。被攜至聖堂。由聖女所生聖父之獨一子。而讚美之。

耆老錫咩汶手捧設法律之萬物主宰。

古有成例。偕新產者

云 同上

弗為耆老捧持子。但予阻之。蓋伊求予釋之。

古有成例。偕新產者

云 同上

奧秘之火鉗何如持火炭者何以養育養育萬物者。

古有成例借新產者云云同上

異哉發怒伊泐之女歟請至偕我衆同立而謝天主子救世之合喇斯托斯。

錫咩汶籲曰合喇斯托斯歟爾予我以爾拯救之喜樂求收納奉事爾者被累於法律之影者而今仰觀及傳揚聖寵並讚美爾者潔德之按納傳揚可畏之事承認造天地之合喇斯托斯。

錫咩汶籲曰合喇斯托斯歟云云同上

至潔童貞聖母於爾所遇之事誠天神人類所莫測者。

錫咩汶籲曰合喇斯托斯歟云云同上

至潔雌鴿無玷牝羔以聖羔及牧童攜至聖堂。

錫咩汶籲曰合喇斯托斯歟云云同上

異哉諸物君宰合喇斯托斯歟求以凱勝賜我等皇帝。

潔德誠義之老婦先知按納在聖堂以虔誠承認主宰並衆前傳揚讚美聖母。

異哉諸物君宰合喇斯托斯歟求賜我熱淚爲我克哭以惡事所害之靈。

潔德誠義之老婦先知按納云云同上

我等宜恭敬稱頌三輝三位之天主。

潔德誠義之老婦先知按納云云同上

異哉聖女瑪喇阿歟。求光照我被世樂所昏迷之靈。

潔德誠義之老婦。先知按納云云同上。

合頌詞

聖母童貞係教眾之倚恃。祈幷幪保護。及救眾倚望爾者。

我等誠信者。於法律影及文字中得觀預像。凡男子首出母腹者。宜獻於天主。故我等讚頌無原父首生之言。謂無父由母而首育之子。

小聯禱

光耀之詞

耆老被聖神引至聖所。手捧法律之主宰而顛曰。求據爾言。安然

解我肉軀之累。因我目親瞻照萬民之光。並伊斯喇伊泐民之救贖。

榮光云云同上

自今云云同上

凡有呼吸者宜讚揚主云云

讚詞第四調

聖詠一句因其全能讚美之。因其宏威讚美之。

愛人者。依聖經之法律。今被攜至於堂。耆老錫啤汶以老手接受之。而呼曰。今釋放我往赴天上之福樂。因我今得見包有死肉軀之司生命並制死者。

又一句以角聲讚美。以琴以瑟讚美。

愛人者依聖經之法律。

云云同上

又一句以鼓及笛讚美。以絃及笙笛讚美。

主歟。昔照萬民之光。顯示為乘輕雲義德之日。遵影之法律。而新聖寵開端。故錫咩汶見之籲曰。求由朽壞解釋我。因我今已親瞻爾。

又一句以和聲之鉦讚美。以大聲之鏡讚美。凡有呼吸者宜讚揚

主。

以天主性不離聖父懷。順己意受人體者。被永貞者所抱。以掌萬物者。被遞於捧戴主錫咩汶之手。而錫咩汶歡暢籲曰。今爾果允

我爾僕安然逝世。因我親瞻爾主宰者。

榮光

云云

自今

云云

第六調

天主合喇斯托斯。今甘願如乘叶嚼微木之輅。而臥於耆老之臂者。求脫我等歌頌及呼籲爾者於苦難。及救我等。以爾係愛人者。

唱大頌詠

小讚詞第一調

慶哉聖母童貞滿被聖寵者。因我等天主合喇斯托斯義德之日。燭於幽黯者。由爾光顯。爾成德耆老亦同慶哉。因爾捧持救我等靈。賜我等復活之主。

誦聯禱

及發放詞

[Faded vertical text columns, likely bleed-through from the reverse side of the page]

聖體血禮儀

真福九端

吾主於爾國。憐念我等。

虚心自歉者誠福。因天國屬伊等。

涕泣者誠福。因伊等將受慰。

温良者誠福。因伊等將嗣土。

饑渴於義者誠福。因伊等將獲飽飫。

哀矜者誠福。因伊等將蒙哀矜。

諸世前由聖父首生者。顯為童貞首生之嬰。而伸手為救阿達木。

心淨者誠福。因伊等將得見天主。同上

敷和者誠福。因伊等將稱爲天主子。
天主聖言顯現如嬰。爲復回原有之位。予緣誘惑類蒙童之原祖。
爲義被窘害者誠福。因天國屬伊等。

造物者未變易而爲嬰。以此使由地所出及復歸於地之人性。體
合於天主。

既人因我而誹謗爾。迫害爾。諸妄言詛詈爾。則爾誠福。

爾係誠信者不可敗之拯救。被置於錫汶城爲石。乃爲違逆者礙
足及陷誘之石。

爾當欣喜悅樂。因在天爾之賞厚。 同上

榮光 云

與諸世前生爾之父同像者。今以仁慈服以在世者之劣弱。

自今 云

今求安然逝世叩拜爾者。以爾爲至上者之子。及聖女之子。及爲
嬰之天主。

小入詞

主顯其救於萬民目前。啟示已之公義。

小讚詞第一調

慶哉聖母童貞滿被聖寵者。因我等天主合喇斯托斯義德之日
燭於幽黯者。由爾光顯。爾成德耆老亦同慶哉。因爾捧持救我等
靈賜我等復活之主。

榮光云云。自今云云。副讚詞第一調。

天主合喇斯托斯歟。以爾產生而成聖童女之腹。稱榮錫咩汶之手。今顯現救援我等。今求息和我等國於爭戰時。及堅固爾所愛之大皇帝。以爾係獨一愛人者。

聖三祝文

提綱第三調

我靈惟感頌主。我心惟悅天主救我者。又一句因其垂顧婢之卑微。今後諸代必將稱我為福。

誦宗徒。蒯韋泐達耶烏喇人書

弟兄乎降福者必尊大於受福者。其理不待辯。且此取什一者。乃

屬可死之人。至彼則取什一者。聖經有據。謂伊尙在。姑試言之。取什一之列韋。乘阿烏喇阿木亦輸以什一。蓋咩泐吸些疊克遇阿烏喇阿木時。列韋尙蘊於其祖之身。若人之成全。循列韋司祭之職。即可造就。因法律全在此職。則何庸另設一司祭。且依咩泐吸些疊克之例。並非依阿阿喀之例。緣司祭之職既易。律例亦必易。因言此所指。係他族人。從無近祭臺之前者。蓋吾主係由伊屋達之派明矣。而摩些論此派。未遺言能任司祭之職。此理由依咩泐吸些疊克。另設司祭。並非按形體之法。乃憑永生之力。更爲易明。因所載云。爾永爲司祭。依咩泐吸些疊克之例。

阿利魯伊阿第八調

主歟。據爾所言。今果允我。爾僕安然逝世。又一句。照萬民光。並爾
伊斯喇伊泐民之榮福。

誦魯喀福音經

當時二親遂抱嬰兒伊伊蘇斯。往耶魯薩利木。爲獻於主。卽如主
律所載。凡初胎男。應獻主云。且爲以雙野鴿。或二雛鴿獻祭。悉如
主律所言。時耶魯薩利木有人名錫咩汶。其人義且敬。素仰望其
撫恤伊斯喇伊泐民者。且有聖神庇廕之。伊曾得聖神默示云。不
及死。直至得見主之合喇斯托斯。是時伊受聖神默引進堂。適父
母抱嬰兒伊伊蘇斯至。欲循律而行。錫咩汶接嬰兒。讚頌天主曰。
主歟。據爾所言。今果允我。爾僕安然逝世。因我親目明瞻爾於眾

民前。所備之救贖。謂照萬民之光。並爾伊斯喇伊泐民之榮福。伊
鄂錫福及伊伊蘇斯之母。奇其言。錫咩汶降福伊等。乃謂其母瑪
喇阿曰。此嬰兒允爲伊斯喇伊泐多人墮落。又爲多人振舉。自成
爭辯之的。爾心神亦將被憂。及所傷。使眾念流露。又有婦名按納
乃阿錫兒。支派。發怒伊泐女。係先知。年逾耆耄。其及笄時。偕夫七
載而嫠。現年八十有四。素不離堂。以守齋祈禱等課。日夜奉事天
主。斯時伊亦趨前讚主。與耶魯薩利木望救贖之諸人。論說此嬰
兒。迨伊等遵主律行各事畢。遂歸噶利列阿之納。襍咧特故鄉。嬰
兒漸長。精神強健。智慧充實。天主聖寵安撫之。

代誠應讚揚爾之讚詞

21717

聖母童貞係教眾之倚恃。祈憐憫保護。及救眾倚望爾者。我等誠信者。於法律影及文字中得觀預像。凡男子首出母腹者。宜獻於天主。故我等讚頌無原父首生之言。謂無父由母而首育之子。

領聖體血之詞

我將以拯救之爵。籲求主之名。阿利魯伊阿三次

若此禮期適值主日其規禮俱見聖母聖誕

此瞻禮慶賀八日



21717

СРЕТЕНИЕ

ГОСПОДНЕ